

唐

音

統

籤

乙籤四十三駱賓王之二 唐音統籤卷三十

五言律詩一

從軍行

平生一顧重

一作念

意氣溢三軍野日分戈影天星

合劍文弓弦抱漢月馬足踐胡塵不求生入塞唯  
當死報君

王昭君

斂容辭豹尾緘怨度龍鱗金鈿明漢月玉筋染胡  
塵粧鏡菱花暗愁眉柳葉顰唯有清笳曲時聞芳  
樹春

北眺春陵

攬轡疲宵邁驅馬倦晨興既出封泥谷還過避雨  
陵山明行照上谿宿密雲蒸登高徒欲賦詞殫獨  
撫磨

夏日遊川聊作

暫屏塵囂累言尋物外情致逸心逾默神幽體自  
輕浦夏荷香滿田秋麥氣清詎假滄浪上將濯楚  
臣纓

西京守歲

閑居寡言晏獨坐慄風塵忽見嚴冬盡方知列宿

春夜將寒色去年共曉光  
新耿耿他鄉夕無由展  
舊親

月夜有懷簡諸同病

閑庭落景盡疎簾  
夜月通山靈響似應水淨望如  
空棲枝猶繞鵲  
遵渚未來鴻可歎  
高樓婦悲思杳  
難終

憲臺出勢寒夜有懷

獨坐懷明發長謠苦未安  
自應迷北叟誰肯問南  
冠生死交情異  
殷憂歲序闌  
空餘朝夕鳥相伴  
夜啼寒

春夜韋明府宅宴

得春字

酌桂陶芳夜披薜蘿幽人雅琴馴魯雉清歌落苑  
塵宿雲低迴蓋殘月下虛輪幸此承恩洽聊當故

鄉春

初秋登王司馬樓宴

并序

司馬公千里騰光翼外臺而展足九日多暇敞  
麗譙以閒筵于時葭散秋灰檢移夏火鴻飛漸  
陸流斷吹以來寒鶴鳴在陰振中天而警露于  
是飭開玉饌交離佩而薰蘭酒泛金翹映清樽  
而湛菊雖傍臨廣派有異章渠之遊而錦墩崇  
庸雅叶城隅之會物色相召江山助人請振翰  
林用濡筆  
海云爾

展驥端居暇登龍嘉宴同締賞三清滿承歡六義

通野晦寒陰積潭虛夕照空顧慙非夢鳥濫此厠  
雕蟲

初秋於竇六郎宅宴

并序

六郎道合采葵彌懸鵝而契賞諸君情諧伐木  
仰登龍以締歡于時一葉驚寒下陳柯而捲翠  
百花凝照淡虛牖以披紅旣而俱欣得兔之情  
共掩凶羊之淚物我雙致匪石席以言蘭心口  
兩齊混汚隆而酌桂雖忘筌戴笠與交德於靈  
臺而擲管操瓠叶神心於勝氣盍陳六義詩賦  
一言既事擬毫成

者先唱云爾

千里風雲契一朝心賞同意盡深交合神靈俗累  
空草帶銷寒翠花枝發

一作

夜紅唯將淡若水長

掛古人風

冬日晏

二三物外友一百杖頭錢賞洽袁公地情披樂令  
天促席一作滕鸞觴滿當鑪獸炭然何須攀桂樹逢  
此自留連

夏日遊山家同夏少府

返照下層岑物外狎招尋蘭徑薰幽佩槐庭落暗  
金谷靜風聲徹山空月色深一遺焚籠累唯餘松  
桂心

冬日過故人任處士書齋

神交尚投漆虛室罷遊蘭網積牕文亂苔深履迹

殘雪明書帳冷水靜墨池寒獨此琴臺夜一作流  
水爲誰彈

同崔駙馬曉初登樓思京

麗譙通四望繁憂起萬端綺疏低晚鬼鏤檻肅初  
寒白雲鄉思遠 圖歸路難唯餘西向笑暫似當  
長安

遊兗郡逢孔君自衛來欣然相遇若舊

遊人自衛返背客隔淮來傾蓋金蘭合忘筌玉葉  
開繁花明日柳疎蒨落風梅將期重交態時慰不  
然灰



渡瓜步江

捧檄辭幽徑，鳴榔下遠洲。  
驚濤疑躍馬，積氣似連牛。  
月迴寒沙淨，風急夜江秋。  
不學浮雲影，他鄉空滯留。

至分水戍

行役總離憂，復此愴分流。  
濺石迴湍咽，繁叢曲澗幽。  
陰崖常結晦，宿莽競含秋。  
况乃霜晨早，寒風入戍樓。

出石門

層巖遠接天，絕嶺上棲煙。  
松低輕蓋偃，藤細弱絲

一作  
鉤 懸石明如掛鏡苔分似列錢暫策爲龍杖何  
處得神仙

至分陝

陝西開勝壤召南分沃疇列樹巢維鵲平渚下睢  
鳩憇棠疑勿翦曳葛似攀樛至今王化美非獨在  
隆周

望鄉夕泛

歸懷剩不安促榜犯風瀾落宿舍樓近浮月帶江  
寒喜逐行前至憂從望裏寬今夜南枝鵲應無繞  
樹難

途中有懷

睠然懷楚秦，悵矣背秦關。  
涸鱗驚煦轍，墜羽怯虛彎。  
鬱素服三川，化烏裘十上。  
還莫言無皓齒，時俗薄朱顏。

久客臨海有懷

天涯非日觀，地配一作岳望星樓。  
練光搖亂馬，劍氣上連牛。  
草濕姑蘇夕，葉下洞庭秋。  
欲知悽斷意，江上涉安流。

於紫雲觀贈道士 并序

余鄉國一辭江，出蕩里昔年辭別還。  
同塞北之是今日歸來，解似遼東之鶴。  
先生情均得兔忘。

筌之契已深路是凶羊分岐之  
恨愈切不題短什何汰衷襟乎

碧落澄秋景玄門啓曙關人疑列禦至客似令威  
還羽蓋徒欣仰雲車未可攀  
抵應傾玉醴時許寄  
頽顏

登總持寺浮圖

梵宇出三天登高一作莊

望八川開襟俯城闕揮手

指雲煙函谷春山外昆明落日邊  
東京楊柳陌少別遂經年

遊靈公觀

靈峯標勝境神府枕通川  
玉殿斜連漢金堂迴架

煙斷風疎晚竹流水切寒弦別有青門外空懷玄  
圃仙

陪潤州薛司空丹徒桂明府遊招隱寺

共尋招隱寺初識戴顓家還依舊泉壑應改昔雲  
霞綠竹寒天笋紅蕉臘月花金繩倘留客爲繫日  
光斜

稱心寺

征帆恣遠尋逶迤過稱心凝滯蘅葭岸汾河榼柸  
林穿澈不厭曲巖潭惟愛深爲樂凡幾許聽取舟  
中琴

同辛簿簡仰酬思玄上人林泉四首

聞君招隱地，髣髴武陵春。  
緝芰知還楚，披榛似避秦。  
崩查年祀積，幽草歲時新。  
一謝滄浪水，安知有逸人。

芳晨臨上月，幽賞狎中園。  
有蝶堪成夢，無羊可觸藩。  
忘懷南澗藻，蠲思北堂萱。  
坐歎華滋歇，思君誰舊言

林泉恣探歷，風景暫徘徊。  
客有遷鶯處，人無結駟來。  
聚花如薄雪，沸水若輕雷。  
今日徒招隱，終知異鑿坏。

俗遠風塵隔春還初服遲林疑中散地人似上皇  
時芳杜湘君曲幽蘭楚客詞山中有春草長似寄  
相思

在兗州餞宋五之問

淮沂泗水地梁甫汶陽東別路青驪遠離樽綠蟻  
空柳寒凋密翠棠晚落疎紅別後相思曲悽斷入  
琴風

送宋五之問得涼字

願言遊泗水支離去二漳道術君所篤筌蹄余自  
忘雪威侵竹冷秋爽帶池涼欲驗離襟切岐路在

他鄉

別李嶠

得勝字

芳樽徒自滿，別恨轉難勝。  
客似遊江岸，人疑上灞陵。  
寒更承夜永，涼景向秋澄。  
離心何以贈，自有玉壺冰。

送郭少府

探得憂字

開筵枕德水，輟棹艤仙舟。  
貝闕桃花浪，龍門竹箭流。  
當歌悽別曲，對酒泣離憂。  
還望青門外，空見白雲浮。

送劉少府遊越州



一丘余枕石三越爾懷鉛離亭分鶴蓋別岸指龍  
川背夏蟬聲斷來寒鴈影連如何溝水上悽斷聽  
離弦

秋日送尹大赴京

并序

尹大官三冬道暢指蘭臺而拾青萍六部四海  
情深飛挂樽而舉白下時兔苑東上龍火西流  
劍彩沈波碎楚蓮於秋水金輝照岸秀陶菊於  
寒堤既切送歸之情彌軫於窮途之感重以清江  
帶地隔吳會於星津自雲在天望長安於日路  
人之情也能不悲乎雖道術相望時神交於靈  
府而風煙懸隔貴中必於翰林請振  
詞鋒用開筆海人為四顧用慰九秋

掛瓢余隱舜負鼎爾干湯竹葉離樽滿桃花別路  
長低河耿秋色落月抱寒光素書如可嗣幽谷竚

賓行

秋日送侯四

得彈字

我留安豹隱君去學鵬搏  
岐路分襟易風雲促膝  
難夕漲流波急秋山落日寒  
惟有思歸引悽斷爲君彈

送費六還蜀

星樓望蜀道月峽指吳門  
萬行流別淚七折切驚  
覓雪影含花落雲陰帶葉昏  
還愁三徑晚獨對一  
清尊

秋夜送闕五還潤州

并序

閣五言言返維桑修途指金陵之地李六郎交  
深投漆開筵浮白玉之尊于時壁彩登虛漏輕  
光於雲葉挂陰散迴搖碎影於風梧雖挂蘭  
缸暫空留於一夕而青山黃鶴將惆悵於九秋

請勒一言

俱伸五際

通莊抵舊里溝水泣新知斷雲飄易滯連露積難

披素風啼

一作

迴蝶驚月繞疎枝無力勵短翰輕

舉送長離

秋日送別

寂寥心事晚搖落歲時秋共此傷年髮相看惜去  
留當歌應破涕哀命返傷愁別後能相憶東陵有  
故侯

送鄭少府入遼共賦俠客遠從戎

邊烽警榆塞俠客度桑乾柳葉開銀鏑桃花照玉  
鞍滿月臨弓影連星入劔端不學燕丹客空歌易  
水寒

送王明

贊一作

府叅選賦得鶴

振衣遊紫府飛蓋背青山虛心恒警露孤影尚凌  
煙離歌悽妙曲別操一作繞繁弦在陰如可和清  
響會聞天

秋日餞陸道士陳文林

并序

陸道士將遊西輔通莊指浮氣之關陳文林言  
返東吳脩途走落星之浦於是維舟錦水藉藟

若以開筵綫騎金隄泛榴花於祖道于時赤煙  
沈節青女司晨霜鴈銜蘆舉賓行而候氣寒蟬  
操柳帶涼序以含情加以山接太行聳羊腸而  
飛葢河通少海疏馬頰以開瀾登高切送歸之  
情臨水感逝川之歎既而嗟別路之難駐惜編  
樽之易領雖漆園筌蹄已忘言於道術而陟陽  
風雨尚抒情於詠歌各賦一言同  
為四韻庶幾別後有暢離憂云爾

青牛遊華嶽赤馬

一作鳥

走吳宮玉柱離鴻怨金罍

浮蟻空日霽峭陵雨塵起陟陽風唯當玄度月千  
里與君同

乙籤四十三駱賓王之三 唐音統籤卷三十一

五言律詩二

詠美人在天津橋

美女出東隣容與在天津  
動衣香滿路移步襪生塵  
水下看粧影眉頭畫月新  
寄言曹子建箇是洛川神

賦得白雲抱幽石

重巖抱危石幽澗曳輕雲  
繞鎮仙衣動飄蓬羽蓋分  
錦色連花靜苔光帶葉薰  
詎知吳會影長抱穀

城文

賦得春雲處處生

千里年光靜四望春雲生

一作暫

日祥光舉疎雲

瑞葉輕蓋陰籠迴樹陣影抱危城非將吳會遠飄蕩帝鄉情

詠雪

龍雲玉葉上鶴雪瑞花新影亂銅烏吹光銷玉馬津合輝明素篆隱迹表祥輪幽蘭不可儷徒自繞陽春

詠水

列名通地紀疎汎合天津波隨月色淨態逐桃花

春照霞如隱石映柳似沉鱗終當挹上善屬意淡  
交人

同張二詠鴈

唼藻滄江遠銜蘆紫塞長霧深迷曉景風急斷秋  
行陣照通宵月書封幾夜霜無復能鳴分空知愧  
稻梁

在獄詠蟬 并序

余禁所禁迫西是法廳事也有古槐數株焉雖  
生意可知同股仲文之古樹而聽於斯在卽周  
召伯之甘棠每至夕照低陰秋蟬疎引發聲幽  
息有切嘗聞豈人心異於曩時將蟲響悲於前  
聽嗟乎聲以動容德以象賢故潔其身也稟君  
子達人之高行蛻其皮也有仙都羽化之靈姿



候時而來順陰陽之數應節爲變審藏用之機  
有目斯開不以道昏而昧其視有翼自薄不以  
俗厚而易其真吟喬樹之微風韻資天縱飲高  
秋之墜露清畏人知僕失路艱虞遭時儼經不  
哀傷而自怨未搖落而先衰間蟋蟀之流聲誤  
平反之已奏見蟪蛄之抱影怯危機之未安感  
而綴詩贈諸知己庶情沿物應哀弱羽之飄零  
道寄人知憫餘聲之寂寞非謂文墨取代憂幽

云爾

西陸蟬聲唱南冠客思侵那堪玄鬢影來對白頭  
吟露重飛難進風多響易沈無人信高潔誰爲表  
予心

詠雲酒

朔空會紀曆帶地舊疏泉色泛臨碣瑞香流赴蜀

仙款交欣散玉洽友悅沈錢無復中山賞空吟吳  
會篇

鏤雞子

幸遇清明節欣逢舊練人刻花爭臉態寫月競眉  
新暈罷空餘月詩成併道春誰知懷玉者含嚮未  
吟晨

塵灰

洛川流雅韻秦道擅苛威聽歌梁上動應律管中  
飛光飄神女襪影落羽人衣願言心未翳終冀效  
輕微

秋晨同淄川毛司馬秋九詠

秋風

紫陌炎氛歇，青蘋晚吹浮。  
亂竹搖疎影，繁池織細流。  
飄香曳舞袖，帶粉泛粧樓。  
不分君恩絕，紈扇曲中秋。

秋雲

南陸銅渾改，西郊玉葉輕。  
泛斗瑤光動，一作痛臨陽瑞色明。  
蓋陰連鳳闕，障影翼龍城。  
詎知時不遇，空傷流滯情。

秋蟬

九秋行已暮一枝聊暫安  
隱榆非諛楚噪柳異悲  
潘分形粧薄鬢鏤影飾危冠  
自憐疎影斷塞林  
吹寒

秋露

玉關寒氣早金塘秋色

一作氣

歸泛掌光逾淨添荷

滴尚微變霜凝曉液承月委  
圓輝別有吳臺上應  
濕楚臣衣

秋月

雲披玉繩淨月滿鏡輪圓  
裛露珠暉冷凌霜桂影  
寒漏彩含疎薄浮光漾急瀾  
西園徒自賞南飛終

未安

秋水

貝

一作金

闕寒流徹玉輪秋浪清  
圖雲錦色淨寫月

練花明泛曲鶖弦動隨軒鳳轄驚  
唯當御溝上悽斷送歸情

秋螢

玉虬分靜夜金螢照晚涼  
含輝疑泛月帶火怯凌霜  
散彩縈虛牖飄花繞洞房  
下帷如不倦當解惜餘光

秋菊

擢秀三秋晚開芳十步中分黃俱笑日含翠共搖  
風碎影涵流動浮香隔岸通金翹徒可泛玉尊竟  
誰同

秋鴈

聯翩辭海曲遙曳指江干陣去金河冷書歸玉塞  
寒帶月凌空易迷煙逗浦難何當同顧影刷羽泛  
清瀾

樂大夫挽詞五首

可歎浮生促吁嗟此路難丘陵一起恨言笑幾時  
歡蕭索郊埏晚荒涼井徑寒誰當門下客獨見有

任安

蒿里誰家地松門何代丘百年三萬日一別幾千  
秋返照寒無影窮泉凍不流居然同物化何處欲  
藏舟

昔去梅笳發今來薤露晞彤駟朝帝闕丹旄背王  
畿城郭猶疑是原陵稍覺非九原如可作千載與  
誰歸

一旦先朝蘭千秋掩夜臺青鳥新兆去白馬故人  
來草露當春泣松風向暮哀寧知荒壠外弔鶴自  
徘徊

忽見泉臺路猶疑水鏡懸何如鬪白日非復覩青  
天華表迎千歲幽扁送百年獨嗟流水引長掩伯  
牙弦

丹陽刺史挽詞三首

百齡嗟倏忽一旦附山阿丹桂銷已一作盡青松

哀更

一作思

多薰風思

一作虛

聽曲薤露反成歌自有

藏舟處誰憐隙駟過

惻愴恒山羽留連棣萼篇佳城非舊日京兆卽新  
阡城郭三千歲丘陵幾萬年唯餘松栢擁朝夕起

寒煙



短歌三獻曲長夜九泉臺此室玄扃掩何年白  
開荒郊疎古木寒隧積陳芟獨此傷心地

暮來

乙籤四十三駱賓王之四 唐音統籤卷三十二

五言排律一

棹歌行

寫月圖黃罷凌波拾翠通鏡花搖芰日衣麝入荷  
風葉密舟難蕩蓮疎浦易空鳳媒羞自託鴛翼恨  
難窮秋愁一作帳燈光一作翠倡樓粉色紅相思無  
別曲併在棹歌中

詠懷

少年識事淺不知交道難一言芬若桂四海臭如  
蘭寶劍思存楚金鏡許報韓虛心徒有託循迹諒

無事太息關山險吁嗟歲月關忘機殊會俗守拙  
異懷安阮籍空長嘯劉琨獨未懼十步庭芳斂三  
秋隴月團槐疎非盡意松晚漫凌寒悲調弦中急  
窮愁醉裏寬莫將流水引空向俗人彈

冬日野望

故人無與晤安步陟山椒野靜連雲捲川明斷霧  
銷靈巖聞曉籟洞浦漲秋潮三江歸望斷千里故  
鄉遙勞歌徒自奏客魂誰爲招

望月有所思

九秋涼氣肅千里月華開圓光隨露湛碎影逐波

來似霜明玉砌如鏡寫珠胎曉色依關近邊聲雜  
吹哀離居分照耀怨緒共徘徊白繞南飛羽空忝  
北堂才

遊法華寺十韻

一作宋  
之問詩

高刹擬耆闍真乘引妙車雲中結樓殿意表出雲  
霞後果傳三足前因感六牙宴林薰寶樹水溜滴  
金沙寒谷梅猶淺溫庭橘半華臺香紅藥亂塔影  
綠篁遮果漸輸王族緣超梵帝家晨行蹋忍草夜  
誦得靈花江郡將何匹天都亦未加朝來沿泛所  
應是逐仙槎

春晚從李長史遊開道林故山

幽尋極幽壑春望陟春臺雲光棲斷樹靈影入仙  
杯古藤依格上野徑約山隈落蕊翻風去流鶯滿  
樹來興闌荀御動歸路起浮埃

四月八日題七級

化城分鳥堞香閣俯龍川複棟侵黃道重簷架紫  
煙銘書非晉代壁畫是梁年霸畧今何在王宮尚  
巋然二帝曾遊聖三卿是偶賢一作昔茲遊勝侶  
超彼託良緣我出有爲界君登非想天悠悠青曠  
裏蕩蕩白雲前今日經行處山音號蓋煙

早發淮上望盱眙

養蒙分四瀆習坎奠三荆徙帝留餘地封王表舊  
城岸昏涵蜃氣潮滿應雞聲洲迴連沙靜川虛積  
溜明一朝從捧檄千里倦懸旌背流桐栢遠逗浦  
木蘭輕小山迷隱路大塊切勞生唯有貞心在獨  
映寒潭清

早發諸暨

征夫懷遠路夙駕上危巒薄煙橫絕壑輕凍澁迴  
湍野霧連空暗山風入曙寒帝城臨瀟淚禹穴枕  
江干橘性行應化蓬心去不安獨掩窮途淚長歌

行路難

晚渡黃河

千里尋歸路一葦亂平源  
通波連馬頰迸水急龍  
門照日榮光淨驚風瑞浪翻  
棹歌依聞斷樵謳入  
聽喧岸迴秋霞落潭深夕霧繁  
誰堪逝川上日暮

一作  
他鄉不歸竟

過故宋

舊國千年盡荒城四望通  
雲浮非隱帝日舉類遊  
童綺琴朝化洽祥石夜論空  
馬去遙奔鄭蛇分近  
帶豐池文斂東水竹影滿寒叢  
圖兔承行月川禽

避斷風故宋誠難定從梁事未工唯當過周客獨  
愧吳臺空

夕次蒲類

二庭歸望斷萬里客心愁山路猶南屬河瀕自北  
流晚風連朔氣新月照邊秋竈火通軍壁烽煙上  
戍樓龍庭但苦戰燕頷會封侯莫作蘭山下空令  
漢國羞

夕吹舊吳

維舟背楚服振策下吳畿盛德弘三讓雄圖枕九  
圍黃池通霸迹一作業赤壁暢戎威文物俄遷謝英



靈有盛衰行歎鴟夷沒遽惜湛盧飛地古煙塵暗  
年深館宇稀山川四望是人事一朝非懸劔空留  
信亾珠尚識機鄭風遙可託關月眇難依西北雲  
逾滯東南氣轉微徒懷伯通隱多謝買臣歸唯有  
荒臺露薄暮濕征衣

晚泊河曲

三秋倦行役千里泛歸潮通波竹箭水輕舸木蘭  
橈金堤連曲岸貝闕影浮橋水淨千年近星飛五  
老遙疊花開宿浪浮葉下涼颺浦荷疎晚葍津柳  
漬寒條恹惶勞梗泛悽斷倦蓬飄仙槎不可託河

上獨長謠

晚泊江鎮

四運移陰律三翼泛陽侯荷香銷晚夏菊氣入新  
秋夜烏喧粉堞宿鴈下蘆洲海霧籠邊徼江風繞  
戍樓轉蓬驚別渚徙橘愴離憂鳧飛瀟陵岸淚盡  
洞庭流振影希鴻陸逃名謝蟻丘還嗟帝鄉遠空  
望白雲浮

宿溫城望軍營

虜地寒膠折邊城夜柝聞兵符關帝關天策動將  
軍塞一作戍靜胡笳徹沙明楚練分風旗翻翼影霜

翻轉龍文白羽搖如月青山斷若雲煙疎疑卷幔  
塵滅似銷氛投筆懷班業臨戎想召勛還應雪漢  
耻持此報明君

宿山莊

金陵一超忽玉燭幾還周露積吳臺草風入郢門  
楸林虛宿斷霧磴險掛懸流拾青非漢策縮化類  
秦裘牽迹猶多蹇勞生未寡尤獨此他鄉夢空山  
明月秋

晚憇田家

轉蓬勞遠役披薜下田家山形類九折水勢急三

巴懸梁接斷岸  
澁路擁崩查  
霧巖淪曉鬼  
風激漲  
寒沙心迹一朝  
外關山萬里  
賒龍章徒表  
越閩俗  
本殊一作非華  
旅行悲泛梗  
離贈折疎麻  
唯有寒潭  
菊獨似故園花

蓬萊鎮

旅客春心斷  
邊城夜望高  
野樓疑海氣  
白鷺似江  
濤結綬疲三  
入承冠泣二  
毛將飛憐弱  
羽欲濟乏  
輕舳賴有陽  
春曲窮愁且  
代勞

邊城落日

紫塞流沙北  
黃圖灞水東  
一朝辭俎豆  
萬里逐沙

蓬候月恒持滿尋源屢鑿空野昏邊氣合烽迥成  
煙通奮力風塵倦疆場歲月窮河流控積石山路  
遠崆峒壯志凌蒼兕精誠貫白虹君恩如可報龍  
劍有雌雄

春日離長安客中言懷

題一作春  
齊平衍

年華開早律霽色蕩芳晨城闕千門曉山河四望  
春御溝通太液戚里對平津寶瑟調中婦金罍引  
上賓劇談推曼倩驚坐揖陳遵意氣一言合風期  
萬里親自惟安直道守拙忌因人談器非先本圖  
榮異後薪椰掄慙路鬼蕉碎切波臣玄草終疲漢

烏裘幾滯秦生涯無歲月岐路有風塵還嗟大行道處處白頭新

遠使海曲春夜多懷

長嘯三春晚端居百慮盈未安胡蝶夢遽切魯禽情別島連寰海離蒐斷戍城流星疑伴使低月似依營懷祿寧期達牽時匪狗名艱虞行已遠昧迹自相驚

海曲書情

溥遊倦千里勞生負百年未能差上漢詎肯劒遊燕白雲照春海青山橫曙天江濤讓雙壁渭水擲

三錢坐惜風光晚長歌獨塊然

乙籤四十三駱賓王之五 唐音統籤卷三十三

五言排律二

久戍邊城有懷京邑

擾擾風塵地，遑遑名利途。盈虛一易舛，心迹兩難俱。  
弱齡小山志，寧期大丈夫。九微光賁玉，千仞忽彈珠。  
棘寺遊三禮，蓬山筮八儒。懷鉛慙後進，投筆願前驅。  
北走非通趙，西之似化胡。錦車朝促候，刁斗夜傳呼。  
戰士青絲絡，將軍黃石符。連星入寶劍，半月上雕弧。  
拜井開疎勒，鳴桴動密須。戎機習短蔗，秋稜靜長榆。  
季月炎初盡，邊亭草早枯。層陰籠



古木窮色變寒蕪海鶴聲嘹唳城烏尾畢逋葭繁  
秋引澁桂滿夕輪虛行役風霜久鄉園夢想孤瀟  
池遙夏國秦海望陽紆沙塞三千里京城十二衢  
楊溝連鳳闕槐路擬鴻都璧殿規宸象金隄法  
樞雲浮西北蓋月照東南隅寶帳垂連理銀牀轉  
輓轡廣筵留上客豐饌引中厨漏緩金徒箭驛繁  
玉女壺秋濤飛喻馬春水泛仙艫意契風雲合言  
忘道術趨共矜名已秦詎肯沫相濡有志慙離朽  
無庸類散樗關山暫超忽形影歎艱虞結網空知  
羨圖榮豈自誣忘情同塞馬比德類宛駒隴阪肝

腸絕陽關亭候迂迷覓驚落鴈離恨斷飛鳧春去  
榮華盡年來歲月蕪邊愁傷郢調鄉思繞吳歛河  
氣通中國山途限外區想想若可寄冰泮有銜蘆  
晚度天山有懷京邑

忽上天山路依然想物華雲疑上苑葉雪似御溝  
花行歎戎麾遠坐憐一作命衣帶賒交河浮絕塞弱

水浸一作沒流沙旅思徒漂梗歸期未及瓜寧知心

斷絕夜夜泣胡笳

邊夜有懷

漠地行逾遠燕山去不窮城荒猶築怨碣毀尚銘

功古戍煙塵滿邊庭人事空夜闌明隴月秋寒急  
胡風倚伏良難定榮枯豈易通旅嵬勞泛梗離恨  
斷征蓬蘇武封猶薄崔駟宦不工惟餘北叟意欲  
寄南飛鴻

寓居洛濱對雪憶謝二

旅思眇難裁衝飈限易哀曠遠洛川晚飄颻瑞雪  
來積彩明書幌流韻繞琴臺色奪迎仙羽花避

一作

遍犯靈

一作

梅謝庭賞方逸袁扉掩未開高人儻

有訪興盡詎須迴

寒夜獨坐遊子多懷簡知已

故鄉眇千里離憂積萬端鶉服長悲碎蝸廬未卜  
安富鈎徒有想貧鋏爲誰彈柳秋風葉脆荷曉露  
文團晚金叢岸菊餘佩下幽蘭伐木傷心易維桑  
歸去難獨有孤明月時照客庭寒

和王記室從趙王春日遊陀山寺

烏旛陪訪道鷲嶺狎棲真四禪明靜業三空廣勝  
因祥河疎疊澗慧日皎重輪葉暗龍宮密花明鹿  
苑春雕筌奧片妙辯漱玄津雅曲終難和徒自  
奏巴人

和孫長史秋日卧病

霍第疏天府潘園近帝臺調弦三婦至置驛五侯  
來尚想歡娛洽吁嗟歲月催金壇分上將玉帳引  
瓌材決勝鯨波靜騰謀鳥谷開白雲淮水外紫陌  
灞陵隈節變驚衰柳笳繁思落梅調神和玉燭揆  
藻握珠胎悵矣欣懷土居然欲死灰還因承雅曲  
暫喜躍沈鯁

和李明府

傳聞葉縣履飛向洛陽城馳道臨層掖津門對小  
平霞殘疑製錦雲度似飄纓藻揆潘江澈塵虛范  
甑清詎憐衝斗氣猶向匣中鳴

夏日夜憶張二

伏枕憂思深擁膝獨長吟烹鯉無尺素筌魚勞寸  
心疎麻空有折芳桂湛無斟廣庭含夕氣間宇澹  
虛陰織蟲垂夜砌驚鳥棲暝林驩娛百年促羈病  
一生侵詎堪孤月夜流水入鳴琴

在軍中贈先還知己

蓬轉俱行役瓜時獨未還  
蒐迷金闕路望斷玉門關  
獻凱多慙霍論封一作功幾謝班  
風塵催白首歲月損容顏  
落鴈低秋塞驚鳥起暝灣  
胡霜如劍鏑漢月似刀鐮  
別後邊庭樹相思幾度攀

秋日山行簡梁大官

乘馬陟層阜迴首睇山川攢峯銜宿霧疊巘架寒  
煙百重含翠色一道落飛泉香吹分巖桂鮮雲抱  
石蓮地偏心易遠致默體逾玄得性靈遊刃忘言  
已棄筌彈冠勞巧拙結綬倦牽纏不如從四皓丘  
中鳴一弦

幽繫書情通簡知己

昔歲逢揚意一作湯觀光賁楚材穴疑丹鳳起塲似  
白駒來一命淪驕餌三緘慎禍胎不言勞倚伏忽  
此邁邈迴驄馬刑章峻蒼鷹獄吏猜絕一作縑非

易辨疑璧果難裁揆畫

一作揆拙

慙周道端憂滯夏臺

生涯一滅裂岐路幾徘徊青陸春芳動黃沙旅思

催圓扉長寂寂疎網尚恢恢入筭先

一作方

搖尾迷

津正曝頤覆盆徒望日蟄戶未驚雷霜歇蘭猶敗

風多木屢摧地幽蠶室閉門靜雀羅開自閤秦窻

蕭誰憐楚奏哀漢陽窮鳥客梁甫卧龍才有氣還

衝斗無時會鑿环莫言韓長孺長作不然灰

早秋出塞寄東臺詳正學士

促駕逾三水長驅望五原天街

一作階

分斗極地理

接樓煩谿月明關隴胡雲聚塞垣山川殊物候風



壤異涼暄

一作

濕

戍古秋塵合沙寒宿霧繁昔余迷

學步投跡忝詞源蘭渚浮延閣蓬山欵禁園影纓

陪綬冕載筆偶瑛璠汲冢寧詳蠹秦牢詎辨冤一

朝從匪服千里驚輕軒鄉夢隨鳧斷邊聲入聽喧

南圖終鍛

一作

斂

翻北上遽摧轅弔影慚連茹浮生

倦觸藩數奇何以託桃李自無言

敘寄負半千

薄宦三河道自負十餘年不應驚若厲砥爲直如

弦坐歷山川險吁嗟陵谷遷長吟空抱膝短翮詎

冲■鳧歸滄海上望斷白雲前釣名勞拾紫隱迹

自談玄不學多能聖徒思鴻寶寶仙斯志良難已此  
道豈徒然嗟爲刀筆吏耻從繩墨牽岐路情雖狎  
人倫地本偏長揖謝時事獨往訪林泉寄言二三  
子生死不來旋

西行別東臺詳正學士

意氣坐相親關河別故人客似

一作自

秦川上歌疑

一作從

易水濱塞荒行辨玉臺遠尚名輪洩井懷邊

將尋源重漢臣上苑梅花早御溝楊柳新只應持  
此曲別作邊城春

餞鄭安陽入蜀

彭門山

一作

折坂外井絡少城隈地是三巴俗人非

百里才長

長一作

途君悵望岐

別一作

路我徘徊心賞

風煙隔容華歲月催遙遙分鳳野去去轉龍媒遺  
錦非前邑鳴琴卽舊臺劍門千仞起石路五丁開  
海客乘槎渡仙童馭竹迴竟將離鶴遠思逐斷猿  
哀唯有雙鳧鳥飛去復飛來

送吳七遊蜀

目觀分齊壤星橋抵蜀門桃花嘶別路竹葉滿離  
樽夏盡蘭猶茂秋新一作柳尚繁露銷山暝迴風  
高野聽喧勞歌徒欲奏贈別竟無言惟有當秋月

空照野人園

傷祝阿王明府

并序

夫心之悲矣非關春秋之氣聲之哀也豈移金石之音河則事感則萬緒興端情應則百憂交軫是以宣尼舊館流襟動激楚之悲孟嘗高臺承睫下聞琴之淚祝阿王明府毓德丹穴襲吉黃裳靈基峙金闕之峯層源瀚玉輪之坂旣而鴻飛漸陸將騁平輿之龍鶴鳴在陰爰絆朝歌之驥乃當名懸闕月德貫陳星豈徒遠切夢瓊奄沈連石嗟乎輪銷桂兔驪珠毀貝闕之前斗散紫氛龍劍沒延平之水某昔承嘉惠曲荷恩光留連嘯歌從容風月撫心陳迹泣血漣如然而始終者萬物之大歸生死者百年之常分雖則知理之可有而未曉情之可無聊綴悲歌敢貽同好諸君或締交三益列宰一司或叶契筌蹄投心膠漆如比肩於千里遽傷魂於九原旣切芝焚彌深蕙歎蓋言四始同賦七哀庶蘭室流薰襲遺芳而化德故蓬心申拙效庸音於起

予觸目多懷

周增流勸

洛川真氣上重泉惠政融合章光後烈繼武嗣前  
雄與善良難驗生涯忽易窮翔鳧猶化履狎雉尚  
馴童錢滿荒階綠塵浮虛帳紅夏餘將宿草秋近  
未驚蓬煙晦泉門閉日盡一作遠夜臺空誰堪孤隴  
外獨聽白楊風

過張平子墓

西鄂該通理南陽擅德音玉卮浮藻麗銅渾積思  
深忽懷今日昔非復昔時今日落豐碑暗風來古  
木吟惟歎窮泉下終鬱羨魚心

浮槎

并序

遊目川上觀一浮槎泛泛然若木偶之乘流迷  
不知其所適也觀其根抵盤曲枝榦扶疎大則  
有棟梁舟楫之材小則有輪轆榘桷之用非夫  
稟乾坤之秀氣含宇宙之淳精孰能負凌雲傑  
日之姿抱積雪封霜之骨向使懷材幽藪載穎  
重巖絕望於巖廊之榮遺形於斤斧之患固可  
垂陰萬畝懸映九霄與建木較其短長將大椿  
齊其年壽者而委根險岸託質畏途上為疾風  
衝颺所摧殘下為奔浪迅波所激射基由壞括  
勢以地危豈盛衰之理繫乎時封植之道存乎  
我一墜泉谷甚里強渝與波浮沈隨時逝止雖  
殷仲文嘆生意已盡孔宣父知朽質難雕然而  
遇良工逢仙客牛礪可託玉潢之路非遙匠石  
先談萬乘之器何遠故材用與不用時也悲夫  
然知萬物之相應感者亦奚必同聲同  
氣而已哉感而賦詩貽諸同疾云爾

昔負千尋質高臨九仞峯貞心凌晚桂勁節掩寒

松忽值風颺折坐爲波浪衝摧殘空有恨擁腫遂  
無庸渤海三千里泥沙幾萬重似舟飄不定如梗  
泛何從仙客終難託良工豈易逢徒懷萬乘器誰  
爲一先容

五言絕句

在軍登城樓

城上風威冷江中水氣寒戎衣何日定歌舞入長  
安

於易水送人

此地別燕丹壯士髮衝冠

一作壯髮上衝冠者誤

昔時人已

已汲今日水猶寒

送別

寒更承夜永涼夕向秋澄離心何以贈自有玉壺  
冰

翫初月

文苑英華作  
沈佺期詩

息滿光先

一作  
恒

缺乘昏影暫流既

一作  
自

能明似鏡

何用曲如鈎

詠塵

飛  
凌波起羅襪含風染素衣別有知音調聞歌應自



詠鏡

寫月無芳桂照日有花菱不持光謝水翻將影學  
冰

挑燈杖

稟質非含熱焦心豈憚熬終知不自潤何處用脂  
膏

七言絕句

憶蜀地佳人

東西吳蜀關山遠魚來鴈去兩難歸莫惟常有千  
行淚只爲陽臺一片雲

雜言

詠鵝

七歲時作

鵝鵝鵝曲項向天歌  
白毛浮綠水紅掌撥清波

卷終

乙籤四十四

至五十  
三同卷

唐音統籤卷三十四

劉禕之字希美晉陵人少以文藻知名高宗時爲  
弘文館學士召入禁中參決時政武后時爲鳳閣  
侍郎賜死集七十卷

宋志

今存詩五篇

酬鄭沁州

麒麟閣一代良熊軒千里濁緝圖昭國典按部留宸  
矚匪厭承明廬佇兼司隸局芸書暫輟載竹使方  
臨俗節變風緒高秋深露華溽寒山斂輕靄霽野  
澄初旭已切作長年悲誰堪岐路促遙林征馬  
迅別館嘶驂踟雅贈響擬金索居睽倚玉悽斷離

鴻引勞歌思足曲

奉和太子納妃太平公主出降

夢梓光青陞穠桃藹紫宮德優宸念遠禮備國姻  
崇萬戶聲明發三條騎吹通香輪送重景綵旆引  
仙虹

奉和別越王

周屏辭金殿梁駮整玉珂管聲依折柳琴韻動流  
波鶴蓋分陰促龍軒別念多延襟小山路還起大  
風歌

孝敬皇帝挽歌

上元二年太子弘薨  
詔追諡爲孝敬皇帝

戒奢虛屨輅錫號紀鴻名地叶蒼梧野途經紫聚  
城重照掩寒色晨飈斷曙聲一隨仙驥遠霜雪愁  
陰生

九成宮秋初應詔

帝

一作  
玄

圓疏金闕仙臺駐玉鑾野分鳴鶯岫路接

寶雞壇林樹千霜積山宮四序寒蟬急知秋早鶯  
疎覺夏闌怡神紫氣外凝睇白雲端舜海詞波發  
空驚遊聖難

乙籤四十五

郭正一定州彭城人高宗末宰相則天出爲陝西

刺史竄死

文苑傳云  
集多遺失

奉和太子納妃太平公主出降

一作上官  
儀詩誤

桂宮初服冕蘭掖早升筭禮盛親迎晉聲芬出降  
齊金龜開瑞鈕寶翟上仙桂轉扇承宵月揚旌照  
夕蜺

乙籤四十六

元萬頃洛陽人高宗朝著作郎修撰禁中時謂之  
北門學士武后臨朝遷鳳閣侍郎坐事流嶺南死

文苑  
傳

奉和太子納妃太平公主出降

象輅初乘鴈璇宮早結褵離元應春夕帝子降秋  
期鳴琤合荐響比玉麗穠姿和聲躋鳳掖交影步  
鸞輝

奉和春日池臺

日影飛花殿風文積草池鳳樓通夜敞虬輦望春  
移

奉和春日二首

花輕葢亂仙人杏葉密鸞喧帝女桑飛雲閣上春  
應至明月樓中夜未央

鳳輦迎風乘紫閣鸞車避日轉彤闈中堂促管淹

春望後殿清歌開夜扉

乙籤四十七

員半千字榮期晉州人證聖中弘文館學士中宗  
出為濠州刺史玄宗初仍徵為學士歷位以清白  
著節性樂山水開元中卜居堯山年九十四卒集

十卷

唐書本傳云多遺失宋志云

今存詩二篇

半千本姓劉其先有以忠烈顯

者自比伍員改姓名員初名餘慶王義方器之曰五百歲一生賢者子宜當之固改今名

隴頭水

路出金河道山連玉塞門  
旌旗雲裏度楊柳曲中  
喧蹶血多壯膽累革無怯  
竟嚴霜斂曙色大明辭



朝暉塵銷營卒壘沙靜都尉垣霧卷白山出風吹  
黃葉翻將軍獻凱入萬里絕河源

隴右途中遭非語

趙有兩毛遂魯聞二曾參慈母猶且惑况在行路  
心冠冕無醜士賄賂成知己名利我所無清濁誰  
見理敝服空庭春緩帶不着身出遊非懷璧何憂  
乎忌人正須自保愛振衣出世塵

乙籤四十八

杜易簡襄陽人九歲能屬文及長博學有高名舉  
進士累轉殿中侍御史咸亨中爲考功員外坐朋

黨左轉開州司馬集二十卷

宋志

今存詩二篇

湘川新曲二首

昭潭深無底，橘洲淺而浮。  
本欲凌波去，翻爲目挑留。  
願君稍弭楫，無令賤妾羞。

二八相招攜採菱，渡前谿弱腕隨。  
橈起纖腰向舸低，自解看花笑，憎聞染竹啼。

乙籤四十九

劉允濟字允濟，洛州人。少與王勃齊名。累除著作佐郎、直弘文館、垂拱中奏賦，拜著作郎。遷鳳閣舍人。中興初坐二張貶官，尋召爲修文館學士。卒。集

二十卷

宋志

今存詩四篇

經廬岳迴望江州想洛川有作

紀事云此詩為當時稱最

胡元瑞云此唐五言長篇之祖但藻繪有餘神氣未足耳

龜山帝始營龍門禹初鑿出入經變化俯仰憑寥廓未若茲山功連延竝巫霍東北疏艮象西南距坤絡宏阜自鬱盤高標復迴薄勢入柴桑渚陰開彭蠡壑九江杳無際七澤紛相錯雲雨散吳會風波騰鄒郡一作鄒跡隨造化久利與乾坤博盼靈精氣通紛綸潛怪作石渠忽見踐金房安可託地入天子都巖有仙人藥二門幾迢遞三宮何儵燭咫尺

尺窮杳冥跬步階恬漠林驚羽翰幽居靜龍蛇  
蠖明牧振雄詞棣華殊灼灼盛業匡西夏深謀贊禹  
毫黃雲覆鼎飛絳氣橫川躍佐曆符賢運人期茂  
天爵禮樂富垂髻詩書成舞勺清輝靖岳電利器  
騰霜鏑遊聖挹衢樽鄰幾恭木鐸牆仞包武侯波  
瀾控文若旋聞川薪楚遽視升葵藿稷禹序揆圖  
良平公輔畧重臣資出守英藩諒求漢豫章觀偉  
才江州訪靈嶠陽岫曉氛氳陰崖暮蕭索潛伏屢  
鯨奔雄飛更驚搏驚獮透烟霞騰猿亂枝格音洛故  
園衣歸夢他山非行樂帝鄉徒可遊湟澗終旋泊

景物觀淮海雲霄望河洛城闕紫微星圖書玄扈  
閑神功多粉績元氣猶斟酌丞相下南宮將軍趨  
北落橫簪竝附蟬列鼎俱調鶴四郊時迷路五月  
先投會池榭宜瓊管風花亂珠箔舊遊勞夢寐新  
知無悅樂天寒欲贈言歲暮期交約夜琴清玉柱  
秋灰變緹幕風雲動翰林宮徵調文籥言泉激爲  
浪思緒飛成繳千里輝珠璣五采含丹雘鍾鼓旋  
驚鷄瑾瑜俄抵鵲竊價慙庸怠叨聲逾寂寞長望  
限南溟居然駭東郭

詠琴

昔在龍門劍誰想鳳鳴時雕琢今爲器宮商不自  
持巴人綏疎節楚客弄繁絲欲作高張引翻成下  
調悲

怨情

玉關芳信斷蘭閨錦字新愁來不自抑念切已含  
嗚虛牖風驚夢空牀月厭人歸期倘可促勿度柳

園春

胡元瑞云五六  
精絕不減六朝

見道邊死人

淒涼徒見日冥冥詎知年竟兮不可問應爲直如  
弦

乙籤五十

李懷遠邢州人好學應四科舉武后時鸞臺侍郎  
神龍初兵部尚書同中書門下三品集八卷

宋志

今存詩一篇

凝碧池侍宴看競渡應制

上苑清鑿路高居重豫遊前對芙蓉沼傍臨杜若  
洲地如玄扈望波似洞庭秋列筵飛翠葦分曹戲  
鷁舟湍高棹影沒岸近榜歌道舞曲依鸞殿簫聲  
下鳳樓忽聞天上樂疑逐海查流

乙籤五十一

韋承慶字延休陽武人長壽中累鳳閣舍人後知

政事坐事流嶺表復起爲秘書少監遷黃門侍郎

未拜卒集六十卷

宋志

今存詩七篇

唐書云韋氏孝友詞學則

承慶嗣立邃音樂有萬石遠禮儀則叔夏史才博識有述時趙冬曦兄弟亦各有名張說曰韋趙兄弟人之杞梓

### 折楊柳

萬里邊城地三春楊柳節葉似鏡中眉花如關外  
雪征人遠鄉思倡婦高樓別不忍擲年華含情寄  
攀折

### 寒食應制



鳳城春色晚龍禁早暉通舊火收槐燧餘寒入桂  
宮鶯啼正隱葉雞鬪始開籠藹藹瑤山滿仙歌始  
樂風

凌朝浮江旅思

一作馬周詩

天晴上初日春水送孤舟山遠疑無樹潮平似不  
流岸花開且落江鳥沒還浮羈望傷千里長歌遣  
四愁

直中書省

清切鳳皇池扶疎雞樹枝唯應集鸞鷲何爲宿羈  
雖大造乾坤闢深恩雨露垂昆蚊皆含養駑駘亦

驅馳木偶翻爲用，芝泥忽濫窺九思。空自勉五字，  
本無施。徒喜逢千載，何階荅二儀。螢光向日盡，蚊  
力負山疲。禁宇庭除澗，閒宵鍾箭移。暗花臨戶發，  
殘月下簾欹。白髮隨年改，丹心爲主披。命將時並  
泰，言與行俱危。寄謝登巢客，堯年正在斯。

南行別弟

潏潏長江水，悠悠遠客情。落花相與恨，到地一無  
聲。

南中詠鴈

一作子  
季子詩

萬里人南去，三春鴈北飛。不知何歲月，得與爾同

歸

江樓

濁酌芳春酒登樓已半曛誰驚一行鴈衝斷過江雲

乙籤五十二

張柬之字孟將襄陽人涉獵經史尤好三禮擢進士賢良對策第一長安中歷鳳閣侍郎知政事首謀誅二張反唐祚封漢陽郡王尋爲武三思所構

死集十卷

唐志有宋志

今存詩五篇

大堤曲

南國多佳人莫若大堤女玉牀翠羽帳寶祿蓮花  
距竟處自目成色授開心許迢迢不可見日暮空  
愁予

東飛伯勞歌

青田白鶴丹山鳳婺女姮娥兩相送誰家絕世綺  
帳前豔粉紅脂映寶鈿窈窕玉堂褰翠幙參差綉  
戶懸珠箔絕世三五愛紅粧冷袖長裙蘭麝香春  
去花枝俄易改可歎年光不相待

出塞

俠客重恩光驄馬飾金裝臂開傳羽檄馳突救邊

荒歛野山川動囂天旌旆揚吳鉤明似月楚劔利  
如霜電斷衝胡塞風飛出洛陽轉戰磨笄俗橫行  
戴斗鄉手擒郅支長面縛谷蠡王將軍占太白小  
婦怨流黃驥裹青絲騎娉婷紅粉粧三春鶯度曲  
八月鴈成行誰堪坐愁思羅袖拂空牀

與國賢良夜歌二首

柳臺臨新偃樓堞相重複窈窕鳳皇姝傾城復傾  
國  
杏間花照灼樓上月徘徊帶嬌移玉柱含笑捧金

杯

乙籤五十三

魏知古深州人性方直有才名長安中歷鳳閣舍  
人神龍初拜吏部侍郎景雲中遷散騎常侍同平  
章事開元中改紫微令除工部尚書集七卷

本傳云七

卷藝文志云二今存詩五篇  
十卷宋志止

和中書侍郎楊再思春夜寓直鳳閣懷羣公  
拜門傳漏晚寓直索居時昔重安仁賦今稱伯玉  
詩鴛池滿不溢雞樹久逾滋夙夜懷山甫清風詠  
所思

伯玉齊中伯玉也有是中書郎詩云大方信  
包含優渥遂不已

玄元觀尋李先生不遇

羽客今何在空尋伊洛間忽聞歸苦縣復想入函  
關未作千年別猶應七日還神仙不可見寂寞返  
蓬山

奉和春日途中喜雨應詔

皇輿

一作遊

向洛城時雨應天行麗日登巖送陰雲

出野迎濯枝林杏發潤葉渚蒲生綠入綸言喜花  
依錦字明徵臣忝東觀載筆佇西成

從獵渭川獻詩

通典云先天初上畋獵渭川知古獻詩以諷手詔褒之曰

所進十韻三復研精良增歎美予時因暇  
景爲苗而畋開一面之羅展三驅之禮無  
情枝獵但慕前禽鄉有箴規輔余  
不逮今賜物五十段以申勸獎

嘗聞夏太康五弟訓會荒我后來冬狩三驅盛禮  
張順時鷹隼擊講事武功揚奔走未及去翺飛豈  
暇翔非熊從渭水瑞翟想陳倉此欲誠難縱茲遊  
不可常子雲陳羽獵僖伯諫漁棠得失鑒齊楚仁  
思念禹湯雍熙亮在宥亭毒匪多傷辛甲今爲史  
虞箴遂孔彰

奉酬韋祭酒偶遊龍門北溪忽懷驪山別業  
因以言志示弟淑奉呈諸大寮之作

有美朝爲貴幽尋地自偏踐臨伊水汭想望灞池  
邊是遇皆新賞茲遊若舊年藤蘿隱路接楊柳御



溝聯道愜神情王機忘俗理捐遂初誠已重兼濟  
實爲賢跡是東山戀心仍北闕懸顧慙輕拾紫多  
謝賦思玄未躡中林步空承華藻傳陽春和已寡  
扣寂意徒然